

2022

LIANGMAI

(Modern Indian Language)

Full Marks : 100

Pass Marks : 33

Time : Three hours

The figures in the right margin indicate full marks for the questions.

Write the answer in your own words as far as practicable.

SECTION – A

(COMPREHENSION / READING)

1. ***Pahang ga raokha ibambo ladsou hai ken mawijiu kenlu, maniu khaibambo chamkaklo.***

Tasii phiubo nai tasen-chalanh phiubo hai palep nia thiubo rangkang gee (*two side of a coin*) kumboweh. Nde jeng niu aliu Liangmai Kalek shabamlo chiw maniusai tasii ningting kahah jeng niuweh chiw sune; sigasu nde kamjiu tasii ningting hah jiulo chiw maniu lansai kalek shabo jengniu aliu nahmai tu tasiiky kawibo ga pijiu katikhai ngam makbo gasu niuwe chiw mai kakeng niu kaklan sune. Haisedi majimak mahiangbo di makge chiw di hainiu maji gapde chiw radi daolakge. Plamra, aliu Liangmai kasii ka'ngaomai maksai katheng- kadimai khat nia bambo sedi paliu niu lungkhang mibo lunlung phuikhai sai kamih-magiannah niu pariak keng biye.

P.T.O.

Chiwsai kalek kasha jeng niu tasi silu makboweh chiwradi pakhiang khiangnara maji makge. Liangmai ruong ga lungsingkhui mai taanah kakengra tasi katira sangdiu lam tasiiky kawi wibo ga laangkhai bidi "Esau nai Samson" kumjiu malanwang mai keng bamme! Hainiu, dinbora charah chamai suong ga patun khat ga aliu niu kamwang tanglu makbo bamkha bijiu tasi nai lungsingkhiubo hai aliu zad ga wang ngamlakbo bamkhaye chiwbowe. Chakhiu-chalanh hai aliu khuga wadi wangmak mahiangbora makge. Mariuh shingdi waji huikiulu jonbo ga rangkang chariara wangjiu bamboweh. Govt. niu chaky, npui kafa taliwra rangkang piwangbo taliw matunkhai maklu rangkang pakhui simakjiu khoituih bambo hai mathiusi mathiu ngaoweh. Chiwdi, rangkang gu pawat (*value*) simakbo nai Tingwang suong ga maji makbo gasu daolubo sen-lan bijiu lungchun jumao khaijiu pageng hahbo lam maruat khai makeng mibo di bamme. Nkiujiu, aliu Liangmai piw dung kakengra panao panah lam simakbo khaddi paky palu leng manangh son makjiu rangkang daolu misai mairam lam chahiu tingnaih lung ronjiu tadmi miye! Walam tads lakjiu kabammai dungdi paliu ky thiura sung joujon maiky thiura nkah lanmi chiwbo gasu paliu nao ronna kalek khung ngam lakjiu lungchariu bambowe chiw Eh ra lukhaiye.

- (i) Nde tu palep nia thiubo rangkang gee nai din kadaa khailo ? 2
- (ii) Liangmai nah sangdiu lam tasi phiura tadlu sao sao kumjiu malan wang-e chiw dinlo ? 2
- (iii) Liangmai zad di maikumjiu tasenh-chalanh dao bamdi nde kambijiu maikumjiu lungtang lulakjiu bambo plam nia dinlo? 2
- (iv) Liangmai piw kakeng gu panao-panah lam simakbo kashabo nia dinlo ? 2
- (v) Esau nai Samson niu nde kambijiu Liangmai nah tu din kadaa khaijiulo ? 2

SECTION – B

(WRITING)

2. Nsuan chiwbo chamsing gu pajiuh raolo khaddi chamsing karaopiw zan di dinlo. 4
3. Nde kamjiu Tingwang gu Kalen chiwbo chamsing karaopiw niu naamai hai Tingwang gu kalenne khaddi paliu hahsai kadi gu pawat hahmi raye chiw dinjiulo. 4
4. Nang hai Namdiluong namgu Chairman Mn. Tahridinbou we chiw lukhailu Namdiluong ga tiuh-maniyu, sak-maniyubo tek-jou jonsui makge chiwbo lam ga notice khat raolo. 3
5. Liangmai Naga Council lam ga nang niu kasibo ladhkengh 40 –50 raolo. 3
6. Nakaapui Shillong ga lungbambo Rl. Lavely Diengdoh leng Miuhning khaddi pawan jeng ga bamboo Tingwang bensiam kawi hina din lenjiu taki wang phuirea kuhbo chamlen khat raolo. Nang se Piuluongmai liw Rl. Lungsadiliu Newmai ye chiwjiu raolo. 7
- maksai Nang se Benamai piw Mn. Manaibou Charengnamai ye. Nakaa kakung Niamning maipiw Mn. Lunglubuibou Pamai leng Jaimeng phui tadra chamlen raolo.
7. Pahang ga pikhai bamboo ladpui ga Chamzang (essay) khat raolo. 9
- (a) **Liangram ga bambo npui lam.** (*The condition of Roads in Liangmai area*)
- {**Rao rabo jai** : Chamai leng npui gu pageng – aliu dih ga npui shataanbo lam – npui wira leng aliu nammai nai govt. gu ngiuduon- Contractor dung nai public khaddi Nkanmai gu kasha-kawi – **munkom khaibo.**}

Or/Maksai

(b) **Mariuh shingdi kam mataah mibo.**(deforestation)

{ **Raorabo jai** : Mariuh shingdi bambo gu pageng- Shingdi hah mibo ga khaddi tadui nai tingkai shawangbo ga chamai nai khouring lungsi lakmi rabo lam – Mariuh majuak lanra tenrabo aliu tienduon lam ga nagu machun – **Munkom khaibo.** }

SECTION – C
(CHAMSING/POETRY)

8. “Liangmai” chiwbo chamsing gu paji raolo. 4

OR/Maksai

‘Sonthubo Aringting’ chiwbo chamsing se praa thiujuu sao kummai
leng rao khailo? Plam dinlo.

9. ...“Tingwang bensiam wijuwe ... Tingwang bensiam katah hina machang”
Chamsing karaopiw nai chamsing zan joujiu haibo ladriangh hai chamsing ga
mangiu khailu ladheng 50 – 60 majang padjiu raolo. 4

OR/Maksai

“Zibamme maikhat niu di makiang khaimak bijiu ...Pazu mahenpad ramkengh lam
phui, wichang-e kadiri hai”

Chamsing nai karaopiw zan joujiu haibo ladriangh hai chamsing ga mangiu khailu
ladkengh 50 – 60 majaangh padjiu raolo.

10. Chakien kasaan Ngee ndebo nam ga cha’ngilo ? Khaddi sibo Ngee gasu ndegu
Tingwang ga kheng lulo ? 3

11. Tingmik khat ga pawan sum bamme, sise ndelo? Khaddi sibo wan nai karingting tu nde chiw din kadaa khailo ? 3
12. 'Miktedbo' chiw kuhbo chamsing karaopui niu Tingwang bensiam ga nde niu withuweh chiwjiulo? Mipum nai lungchun mik gu ka'npekbo kawi-kasha dinlo ? 3
13. Nsid giu niu sangh-singkhon mainai namrai thiulu chaphumh maitu pontup khaimiye chiwbo rabaa dinlo. 2
14. Nsuan nai chabuon ringting tu dejeng niu din kadah khaijiulo ? 2
15. Luon sumbo khaddi kanambo thiujui Rapiw niu aliu tu Talent dejiu pilu Chahiu nai Naimik kumjiu benlu lak tahdi sao kumjiu benkhaira malum khailanlo ? Khaddi nde kambi haichiw jiulo ? 2.
16. 'Miktedbo Lungchun' chiwbo chamsing hai sao niu masinglo? Pahang ga raokhai bamboo maidung zan phuilu majibo dinlo ? 1
- A. Prabou
- B. Kinhiping
- C. B. Kinsongsiliu Pamai
- D. Guisuongbou
17. 'Liangram Duipin' chiwbo chamsing hai sao niu masinglo ? Pahang ga raokhai bamboo maidung zan phuilu majibo dinlo ? 1
- A. Dr. Hunibou
- B. Dithinbou
- C. Poudiuwibou
- D. Ch. Kahi

SECTION – D
(CHAMJANG / PROSE)

18. Hamai pou nde lamniu lungwang-e chiw katingmai dinkin dilo? Ndebo maluong khaddi singgiu tad luonwang debo nam ga tatouh bangh somkhailu nam thommilo? Ladriangh 30 rilam raolo. 4

OR/Maksai

Liangmai chengh, kating kien ga saokum mainiu papiu leklot lubam niwlo? Npuimai kalelot lusuima ludao laklo? Plam masanjiu ladriangh 30 rilam raolo.

19. Apou-ape kien ga shingbang shingnuu khaddi duihuak tu nde kumbo jai ga nkhijiu lungbam niwlo? Plam masanjiu dinlo. 4

OR/Maksai

Liangmai chengh ga naopui naopiw niu kalek npekbo wan ga maipui gu majih nde de bamlo? Masanjiu palam 5 dinlo.

20. HIV rahpot hai maikhat gasu maikhat ga lyen suibo plam sum bamme, sise masanjiu dinlo. 3

21. Kating chengh ga maikhat gu maji nkhui sisiak lura tashiangh dechiwbo jai ga shianglo? Nang niu kasi katang dinlo. 3

22. Kikhun ga Liangmai lakpui khat gu majih ndelo? Nagu ariak khuong ga raokhai bambo saih swijiu raolo. 3

23. Miuning hai saoram ga bamlo? Namraining gasu mathakbam dejiu kumbo diulo? 2
24. Naimik nbiw gu pageng nagu ariak khuong ga raokhai bambo sai swijiu dinlo. 2
25. Tadui wira nai Tingkai masanra nde pageng bamlo? Khaddi tadui nai tingkai malih malanhjiu bamra nde tu nkhi mawi ralo? 2
26. Katingmai kien lam Liangmai chengh ga panahpiw ruong ga saokum mainiu papiu leklot luhsuilo? 1
- A. Naoduun nah naa thuhbopiw
- B. Naokhe nah katingbo
- C. Naoduun nah katingbo
- D. Naonia nah naathuhbo
27. Riliwmai khat niu chamee thiu makhah ga paleng kam kadenbo tu Liangmai niu dechiw kuhlo? 1
- A. Meephun
- B. Liwlek
- C. Chamee mataih
- D. Chaman

SECTION – E
(RIKHUONJAI / GRAMMAR)

28. Ladjengh dung khai madui wangbo ga prambaa padbo ladjengh dung tuse nde kuhlo ? 1
29. **Pahang ga raokhai bambo ken mawiluh chamkaklo :**
- (i) Nde tu Wa kuhlo ? 1
- (ii) Pariak pachat dejiu bamlo ? Pazan dinlo. 1
- (iii) Nde tu Lav kuhlo ? 1
- (iv) Ladjengh pariak dejiu bamlo ? 1
30. **Pahang ga Giaklow raokhaibose ndebo ladjenghlo chiwbo dinlo ?**
- (i) Ramkhombou ra chakui kumjiu HUWEH . 1
- (ii) RENBANG hai shingdii khatle. 1
- (iii) Mapui khat charasy JON bamme. 1
- (iv) Ngiudonbou NAI papou chalad abisiye. 1
- (v) Ngiona chaky RIGA ntou bamme. 1